

佛遊縣志

第四十四至四十八卷

僊遊縣志卷之四十四

人物志十二

武功封爵附

丈夫務立功萬里外。所謂烈士當如是也。乃或哀其慷慨多大志何歟。毋亦太史公所言。計畫無復之者耶。人苟自負。思用其所未足。則爲時名將。身屢典軍。朝將。奉旗。厥功爛焉。豈必效咕嗶書生。徒爲豪傑所呵。蓋亦賦一壽以退敵耶。

五代

董思安。初朱文進弑閩王曦而篡之。署其黨黃紹頗爲泉州刺史。時審知子延政亦僭號建州。思安思與留從効。王忠順合謀興復。遂殺紹頗。立延政從子繼勳爲刺史。思安身長九尺。勇冠一時。南唐兵攻建州。思安與忠順領兵赴難。戰數不利。或說二人以去。就計。思安曰。吾輩世爲王爲臣。今危而叛去。天下其有容我者乎。衆感其言。無有叛者。城陷。忠順力戰死之。思安全其衆奔歸泉州。後南唐師征福州。李宏義又與從効總兵以爲應援。嗣王聞而嘉之。以爲漳州刺史。思安辭以父名章。乃改爲南州。時從効之弟從願爲副使。酖殺思安自領州事。

方字多丁。唐去
有。當是。思安字。

龍偏一、本字。

以字傳、步勇取字。

清

黃龍字見侯、少負奇、當山海未靖、投筆從戎、從總兵陳龍、大破江機、楊一豹於光澤、征僞藩朱統錫、有功、撫軍吳興祚壯其才、拔置戲下、從復永春、德化、解泉州圍、敗海寇於江東、克金廈二門、（敗）南日海壇諸島、任海州遊擊、轉太平府參將、晉虎頭門副將、南澳總兵官、賜聖藥、蟒袍、鞍馬、弓矢、原品致仕、誥授榮祿大夫、龍性慈仁、初從陳龍、征勦所向皆利、不輕殺戮、得賊所掠婦、悉資之歸、嘗巡海、夜遇風、舟幾覆、忽黑影中得火光、引入小港、遂以無恙、訪他舟多漂泊、乃葬溺者、並恤其家、（灣）人立生祀祠之、龍本永春人、晚愛僊遊風土之勝、遂居焉、子文暉、由貢生廕治中、累官雁平道工部郎中。

張韜字在臯、性俠、（以）有膽智、順治間、草寇竊發、乃集眾、（以）衆揀禦、康熙丙辰、大兵入閩、身爲前驅、遂同定興郡及泉州等府、尋辭歸、閱歲、泉州復被圍、揮軍吳興祚辟之、所至輒奮勇當先、從恢永春、德化二縣、復解泉州之圍、鄭成功遣兵屯惠安、韜設奇直搗其壘、降將卒甚衆、以功授總兵官、左都督、誥授榮祿大夫。

陳進字邦俊、其先晉江人、康熙初、以征臺灣功、加都督、隨奉檄全固山公、彭成公、建義侯林興珠、帥師攻羅、又進爲統領、首陷陣、抵其穴、所向披靡、羅又乞降、弟昂字邦傑、勇敢不相下、兄弟友愛、凡

進冒矢石，盡忠報效，昂始終隨之，是役也。天子嘉乃勳，擢進廣東參將。昂山西利民路參將，所至地約束嚴整，兵不擾而民安。上官連章交薦，同時陞副將，進駐九谿。昂駐長沙，並誥授驃騎將軍。後皆以老丐歸。去之日，士民立碑頌德。進年九十一卒。昂頗知書，尤工字法。進長子彥斌，昂季子明挺，皆舉邑大賓。

施而寬，字容臣，由泉徙僊。甫弱冠，膽氣過人。總督姚殷聖深器之，委署同安守備。值王師南征，海寇而寬帥偏師進勦海壇、平海、湄州，直抵金廈兩島，以副將銜授銅山守備。奉檄從攻澎湖、克臺灣，功加左都督。世襲拖沙喇哈番，累遷虎門副將。會洋盜騷擾，而寬單騎往撫之，旋平。以母報歸，起補西安副將，改龍門水師。陞狼山鎮總兵，蒞任絕規例，禮文儒，甄將材，立義塾，瘞遺骼，奉召入都，賜齋有加。尋回署，士民感其德，爲之立祠篆碑。年七十一卒於官。恩加太子少保，賜祭葬。前後五署松江提督，子孫皆以廕補官。

封爵

宋

陳洪進，字濟川，居楓亭。幼有俠節，頗讀書，習兵法及長，以材勇聞。隸兵籍，從攻汀州。先登，補副兵馬使。從留從効殺黃紹顥，以首送建州鎮武節度王廷政，大悅，以爲本州馬步行軍都校。時晉開運

元年也自是漳州殺程養迎延政子繼成爲刺史許文稹以汀州降連重遇朱文進傳首建州福人又殺重遇延政遂遣洪進歸泉州三年李景陷建州延政入江南明年泉州留從效劫王繼勳降江南景以從效爲清源節度洪進爲統軍使與副使張漢思同領兵柄累立戰功從效卒少子紹鑑典留務月餘洪進誣紹鑑將召越人以叛執送江南推副使張漢思爲留後自爲副使漢思年老不能治軍務事皆決於洪進漢思諸子並爲衙將頗不平明年夏四月大享將吏伏甲於內將害洪進酒數行地大震棟宇幾越坐立皆不自持同謀者以告洪進洪進亟去衆驚悸而散漢思事不成慮洪進先發常嚴兵爲備洪進子文顯文顯皆爲指揮使勒所部欲擊漢思洪進不許一日洪進袖置大鎖從二子常服安步入府中直兵數百人皆叱去之漢思方處內齋洪進卽鎖其門使人叩門謂漢思曰郡中軍吏請洪進知留務衆情不可違當以印見授漢思惶懼不知所爲卽自門閒出印與之洪進遽召將校吏士告之曰漢思昏耄不能爲政授吾印請吾蒞郡事將吏皆賀卽日遷漢思別署以兵衛送遣使請命於李煜煜以洪進爲清源軍節度泉州等州觀察使時宋太祖平澤潞下揚州取荆湖威振四海洪進大懼遣衙將魏仁濟開道奉表自稱清源軍節度副使權知泉州等州軍府事且言張漢思老耄不能御衆請臣領州事恭聽朝旨太祖遣通事舍人王班齎詔撫諭又詔李煜曰泉州陳洪進遣使奉表言爲衆所推因而總領州事以誠控

告聽命於朝觀其傾輸尤足嘉尙但聞泉州昔嘗附麗尤荷撫綏然變詐多端屢移主帥恐其地
理遼遠制御有所未遑朕以書軌大同恩威遠被嘉其款附已降詔書蓋矜其遠俗便安不必以
彼此爲意想惟明哲當體朕懷煜上言洪進多詐首鼠兩端誠不足聽太祖亦詔諭之煜乃聽命
建隆四年遣使朝貢是冬又貢白金萬兩乳香茶藥各鉅萬煜復上言請寢洪進恩命太祖又以
諭煜乾德三年制改清源軍爲平海軍授洪進節度泉州漳等州觀察使檢校太傅賜號推誠順化
功臣鑄印賜之以文顯爲節度副使文顯知泉州文顯知漳州是年夏家艱起復洪進每歲以修
貢朝廷多厚歛於民第民貲百萬以上者令差入錢以試協律奉禮郎蠲其丁役及江南平吳越
王來朝洪進不自安遣文顯入貢乳香萬觔象牙三千觔龍腦香五觔太祖因下詔召之遂入覲
至南劍州聞太祖崩歸鎮發哀太宗卽位加檢校太師明年四月來朝朝廷遣程德元至宿州迎
勞旣至賜錢千萬白金絹各萬禮遇優渥又增其食邑洪進遂上言曰臣聞峻極者山也在汙壤
而不辭無私者日也雖覆盆而必照願惟遐僻尙隔聲明願傾事大之心庶齒附庸之末以所掌
泉州兩郡獻於有司使區區負海之邦遂爲內地蚩蚩生齒之類得見太平太宗優詔嘉納之以
洪進爲武寧軍節度同平章事留京師奉朝請諸子皆授以近郡文顯通州團練使文顯滁州刺
史文顯康州刺史文顯頤州刺史賜白金萬兩各令市宅明年從平太原六年封杞國公雍熙元

年進岐國公年老求致仕優詔免其朝請賜第於開封祥符縣二年以疾卒年七十二上爲罷朝
二日贈中書令諡忠順勅葬祥符縣田村賜御書以守塋學士王祐撰碑中書舍人蘇昌簡撰志
配享太寧殿封潁川會稽東海南康王洪進弟銍初爲泉州都指揮使開寶四年授漳州刺史

僊遊縣志之卷四十五上

人物志十三

仙釋

神臯奧區仙靈之窟宅也仙處萬山中水複峰迴別成邱壑其砂分勾漏源接曹溪所不敢知然乘鯉升雲化鶴入漢花獻雙龍形現七佛考諸前經訊之故老事雖近幻猶有能言之者况仙宮梵宇亦尚有存悉爲志之有志探奇者或不悵神山而引去望靈鷲而飛來也已。

漢

何九真漢武帝時人父任俠有奇氣與淮南王安游娶張氏生九子目俱盲獨長者一眼當額朗然如日初亦從父客淮南已而師大羅學辟穀法勸父俱隱不聽遂爲諸真人前行自九江入閩始卽石竹鼓山居焉月餘游蒲謁胡道人飲龍津廟中井水眼盡開胡曰子名已登金臺玉堂不患不仙子其尋雞子山往矣吾亦躡壺峰之巔以了宿緣異日會子於白雲清洞因留詞以別九真乃西行六十里至蕉溪結楓爲亭而寓其閒已過雞子城經高平山飲其泉飄然欲舉復踰嶺入湖則見重岡疊巘怪石交列湖底雲水潺潺九真愛之結廬以居於是日煉藥湖中丹成有九鯉

魚化爲龍，白日乘之昇天。

范侯，何山人。初，何氏九真入湖，其地屬范。何兄弟憩湖側，煉丹偶出遊，范取丹噉之。丹火發，蒸胸焦面，向何求解。何割白鴈血噉之，語之曰：「吾異日靈著此山，汝其侍於案右。」通夢詞，當時祈夢者，猶以白鴈血點其口，繼易以白雞。今祇達簡疏焉。范侯遺骨塑像後，爲外郡人將去，又嶺上霞盧後有古墳石砌，鄉人咸指爲范侯塚云。

化鶴仙。昔有樵者入山，遇一翁，野服道裝，遊於石壁下。問曰：「翁居何處？」曰：「居此山五百餘年矣。」樵者怪曰：「何不見公室宇？」翁以手指石，石開爲門，翁入門。化鶴飛去，後人名仙門洞，構樓閣祀之。稱曰化鶴仙人。

隋

惟勝。隋大業中，自潤州甘露寺來，結茆於寶幢山，精脩梵行。七佛現形，雙龍啣白蓮花以獻。

唐

了明禪師，陳姓。至京師相國寺，與僧懷素遇，說法大悟，歸於金剛山絕頂。山高泉涸，了明告天，一夕雷電交作，石迸泉湧。至今不竭。居四十七年，戒行圓滿，登座語曰：「若論此事，無形無相，無古無今。天上天下，誰人覺悟？遠看山有色，近聽水無聲。端坐示寂。」

智廣陳姓元和二年生於邑西之留坡不茹葷於日月中行有十二影及鐵鉢白犬隨身咸通六年始卜廬於九座山山之東有巨蟒廣至其所蟒張口如屋廣拄錫坐其中蟒化為石今蟒口巖是也又於巖西立院院之西有潭每浴潭中水必煖若有司其事者王審知入閩語之曰騎馬來騎馬去果自光啟丙午據閩終保大丙午又嘗有讖曰卯下田力交連井底坐二十年留從効據泉州如其言世謂龍樹王化身光啓二年八月十一日示寂年八十乾寧中證正覺禪師

令言往泉州開元寺習內典出遊燕趙傳法華上生二經宣宗末年將茶毗昇至北山怪其龕輕開視無有

志忠陳姓九歲詣真寂大師出家密傳心印爲入室上首中和三年示寂寔於東岡御史黃滔有東塔和尚碑

僧文義依安里人姓陳乾寧中參雪峰王化師作偈呈曰觀面相呈這箇僕只守虛空沒崖岸不似世間採寶人拋却真珠守泥彈後梁開平四年初還山一日其徒問和尚誦什麼經答云無字底經又以偈答之我所嘗念經未嘗有所念念欲止無念聲聲不間斷作麼遣時光所圖非功德示寂得舍利數合

文偃修行堅苦日誦金剛經不輟所居丈室不燭自明淨瓶水常滿若有神供咸通中造泉州開元

東塔爲開元初祖

自永結菴於麥斜巖嘗晏坐有龍見木杪永而經不顧久之龍復出山澗爪甲着石有聲永語其徒曰龍又至矣一夕負汲歸虎躡其後就飲其水永回顧云適從何來一渴至此年八十餘逝顏色儼然

宋

省澄阮姓禪行高潔乾德中賜號真覺挂錫泉州招慶從學者千計嘗夜至雲堂有沙門方熟寐口吐異光澄潛爲作禮明日沙門謂澄曰夜來夢觀音作禮此何祥也澄愕然

定御禪師乾德中嘗獨踞高田院獅峰誦華嚴經一日冥主遣使迎御作偈答之曰三年過了又三年閱遍華嚴滿五千功德完時珍重去何勞使者上高田六年圓滿五色雲扶上昇而去

僧清忠嘗取經西川往還數次川人疑其爲販欲殺之斷右手以誓血成白乳川人異之得墨字經以歸建道場於龍華寺東宋初勅賜院額普惠號曰宏法大師仁宗篆書明堂飛白賜之神宗賜以徑尺草書詩二首藏於寺之御書閣

卓彌真舊爲鋸匠一日入泗洲臺山遇何仙授以二桃彌真食一留一仙人問故彌真曰留以遺母仙人許之自是不茹葷性自靈悟能行符咒水病者飲之卽愈後結庵於鳴峰山白日坐化

需禪師陳姓莆田人始居雪峰東庵後創萬安院於何巖南湖墾田養徒百餘人今續傳燈錄所謂高田有需禪師是也部使者陳覺民延住福州鼓山繼住雪峰有語錄行世後與陳聘君易結草爲庵同隱石門

務欽需師弟子政和中福師以雪峰招致之張浚復延住幽巖後退居龍紀榜其室曰大懶將歸寂其徒請頌師曰釣客不持竿五女不畫眉何大聖爲作贊曰佛海英雄叢林耆舊是謂萍鄉老子之孫雪峯東庵之子蔡溪居士之友也晚得嗣曰仁秀獲知於梁克家亦住雪峯

海鑒字湛然與大懶同參需禪師遊江淮閒禪流號爲鑒徹底戒行孤峻泊然有遺世意晚歲爲蔡耶中曾待制力招住錫於法海寺

効常師事通慧住潭州大潯山接人濟物笑容滿面衲子雲從目爲常歡喜久之還闔居九座山不疾趺化茶毗日煙焰所至有舍利數百五色璀璨衆爭取之

慶恩興太里人初爲縣小吏及爲僧受業於圖覺禪師雲遊參老衲禪師丞相周必大招住玉泉景德院逝之日沐浴升堂遣人辭丞相及諸檀施遂作頌云來不入門去不出戶打破虛空日輪坐午趺坐而逝

梅洞霄括蒼人能出神入夢宋末南渡時嘗言錢塘有天子氣旣而言驗夢清傳謙受攜與偕來自

括蒼乘桴遇風濤湧衆舟俱覆洞霄步斗顧瞻對岸有北風正神之幟若有物扶之濟險福神道觀鑄鐘成叩之無聲洞霄揮劍擊之鐘遂大震爲觀之開山祖云

王家鈇字劍洲邑諸生性不喜塵氛一日遇異人授以丹術歸卽謝弟子員挈其妻構閣於天馬山而偕隱焉

萬七道姑連江里人臨高知縣朱汝時兄女也名普姐幼而宿瘤父將議聘女貞不字茹素七十一年忽一日端然坐化邑侯李弼旌之

清

楊季雅奉母至孝辭婚不娶嘗捐己產與旌人而爲其廝役不倦好讀書每以竹箕爲案置書其人過目成誦有藏書家借閱殆遍後遇異人得運氣術或旬月不食或一食兼數日食所言前知皆驗自號無名氏及母卒喪葬畢一日坐化

華師嚴姓別號秋此莆田儒家子學問淵博遭海濊雲擾播遷無依乃委身空門穿貫內典諸藏工詩古文有柳柳州之遺嘗手寫華嚴全經與遺民朱贊願招作方外交朱字寅初崇禎時孝廉顧字雪來明季諸生密邇華師而同隱於佛者華師初借住笠庵繼居三會寺其徒雲岸爲刻影月集興化令鄭黃燦爲之序

僊遊縣志卷之四

人物志十三

方伎

形上形下藝亦爲道不徐不疾技且入神蓋多難免鄙而小亦可觀也僊溪百里中亦有博古類茂先者乎抑或流水高山樂聞同調察來彰往別有會心點睛卽能飛去覆局又可排來耶雖所精不必同術而有美胥可名家歷歷考之固有若而人也用列其事如左

明

黃碩子寅陞子工篆刻善鑒別古器嘗往來江浙行李困乏中出所藏篆章立可得數百金多購漢魏金石遺文能作蝌蚪書放浪詩酒不自吝惜隨得隨散後終於閭門

清

楊津字巨源工蘭竹人物名重一時嘗寫漢壽亭侯像精思冥想神爲現形其畫今士大夫家猶珍購之

柯築工七絃遊京洛三十餘年雍正閒乃歸又爲廣東幕府所邀至於嶺南山稱其有崩梁動屋

之音

陳鉞字睿左少穎悟十歲時侍父弈所指皆神者稍長喜詩酒弱冠遊湖海足跡遍天下留京師最久名公卿咸推重焉爭以詩酒邀手談罕有敵者時稱國手晚歲因其徒江文錫薦航海至安南國王待以上賓禮留三載歸年六十一卒於家有義僕易述箋從安南聞訃負遺篋金七十兩奔喪至鉞家悲哭而殯

陳文字質人雅遊方外以筆墨山水自娛爲人寫真能傳其神一時爭致之有于炳燦不使習畫讀書列弟子員後傳其伎於同里李萬山

李萬山工寫照一日方攜箋出門適知縣彭之疊來請謝以事不應徑入原令蕭系閤館中曰願爲公寫容數筆極形肖蕭贈以物皆不受噉數荔而去

林元寶善化里人少害目精易卜發繇解兆率以意得無不巧中提督郭某征廈門師次惠安召元寶至卜軍機皆如其言郭忽被謗言將屠惠安詢元寶元寶隨舉一卦曰父爻在外是敵人閒也郭乃止

論曰地以人重由來舊矣生其閒者上之不能以學術經濟輔世而長民次之不能以孝友節義維名教于萬古下之并不能返樸歸真如山林高尚之士數者無一遂則碌碌無所短長之

效已見於此矣。僊自唐以來，人物之盛，足以法當時，而傳後世。有志之士，考古所以自鎮也，其甘以第一流人物獨讓之古人也哉。

僊遊縣志卷之四十五終